

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-15660-1/14.
Zenica, 11.08.2014. godine

Z A P I S N I K

sa 176. sjednice Vlade Zeničko-dobojskog kantona održane 08.08.2014. godine

Sjednica je održana u sali 109, prvi sprat u zgradi Kantona, dana 08.08.2014. godine u trajanju od 09¹¹ do 11¹¹ sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Rifat Delić, ministar Ministarstva unutrašnjih poslova,
2. Ivica Ćurić, ministar Ministarstva za rad, socijalnu politiku i izbjeglice,
3. Mirko Trifunović, ministar Ministarstva za obrazovanje, nauku, kulturu i sport,
4. Senka Balorda, ministrica Ministarstva zdravstva,
5. Edin Terzić, ministar Ministarstva za prostorno uređenje, promet i komunikacije i zaštitu okoline,
6. Nedžad Lokmić, ministar Ministarstva za boračka pitanja.

kao i:

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Ivica Mandura, savjetnik Premijera,
4. Džemaludin Ramić, savjetnik Premijera,
5. Alma Hrnjić, zapisničar.

Opravdano odsutni:

1. Muhamed Husić, ministar Ministarstva za privredu;
2. Bojan Bošnjak, ministar Ministarstva za poljoprivredu, šumarstvo i vodoprivredu;
3. Sabina Heljić, ministrica Ministarstva finansija.

U svojstvu izvjestioca sjednici su prisustvovali:

1. Osman Buza, pomoćnik ministra Ministarstva za privredu;
2. Zuhdija Kovač, pomoćnik ministra Ministarstva za poljoprivredu, šumarstvo i vodoprivredu;
3. Nada Delibašić, pomoćnik ministrice Ministarstva finansija.

Premijer je stavio na diskusiju predloženi

D N E V N I R E D :

1. Verifikacija Zapisnika sa 174. sjednice Vlade Zeničko-dobojskog kantona, održane dana 25.07.2014. godine;
2. Verifikacija Zapisnika sa 175. sjednice Vlade Zeničko-dobojskog kantona, održane dana 31.07.2014. godine;
3. Informacija o stanju bezbjednosti na području Kantona za prvo polugodište 2014. godine, sa Prijedlogom Zaključka o prihvatanju;
4. Prijedlog Odluke o odobravanju sredstava Općini Zenica na ime sufinansiranja projekta "Stambeno zbrinjavanje porodica naselja Topčić polje čiji su stambeni objekti oštećeni i zatrpani riječnim nanosima i poplavama;
5. Plan transformacije JU "Dom-porodica" Zenica 2014-2016., kao mjere provedbe dokumenta Politike zaštite djece bez roditeljskog staranja i porodica pod rizikom od razdvajanja FBIH, sa Prijedlogom Zaključka o prihvatanju;
6. Informacija o stanju riječnih korita na području Zeničko-dobojskog kantona sa prijedlogom mjera zaštite priobalnog pojasa, sa Prijedlogom Zaključka o prihvatanju iste;
7. Prijedlog Zaključka o odobravanju sredstava na ime naknade štete za naglo uginuće životinja u 2014. godini;
8. Prijedlog Zaključka o odobravanju sredstava na ime naknade štete nastale zbog provođenja naređenih mjera ubijanja zaraženih ovaca, goveda, konja i pčelinjih društava;
9. Prijedlog Odluke o uvećanju sredstava u Budžetu Zeničko-dobojskog kantona za 2014. godinu za budžetskog korisnika iz nadležnosti Ministarstva za obrazovanje, nauku, kulturu i sport – JU Prva osnovna škola Maglaj;
10. Prijedlog Rješenja o razrješenju i konačnom imenovanju člana ŠO Gimnazije "Musa Ćazim Ćatić" Tešanj (Solo Amira);
11. Prijedlog Rješenja o razrješenju i konačnom imenovanju člana ŠO Gimnazije "Musa Ćazim Ćatić" Tešanj (Hadžismajlović Aida);
12. Program utroška sredstava iz Budžeta Zeničko-dobojskog kantona na razdjelu 22-Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 821600, pozicija "Rekonstrukcija i inavesticiono održavanje", sa Prijedlogom Zaključka o usvajanju;
13. Prijedlog Zaključka o odobravanju sredstava KUD "Željezara" Zenica na ime finansijske pomoći za odlazak na XVIII Međunarodnu smotru duvačkih orkestara i grupa mažoretkinja u Mađarskoj;
14. Prijedlog Zaključka o odobravanju sredstava Samostalnom sindikatu osnovnog odgoja i obrazovanja Federacije Bosne i Hercegovine na ime finansijske pomoći za odlazak djece i pratilaca iz poplavljenih područja u Poljsku;
15. Prijedlog Uredbe o reprezentaciji i poklonima;
16. Upoznavanje članova Vlade sa aktima;
 - Stav Kolegija Skupštine sa 88. sjednice povodom akta JOB "Unija veterana" Zeničko-dobojskog kantona kojim se dostavljaju zaključci sa vanredne sjednice;
 - Obavijest o stupanju na snagu Zakona o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećem Ministarstva finansija ZDK, broj: 07/03-01-02-15379/14 od 30.07.2014. godine;
 - Konačni Izvještaj o izvršenoj reviziji finansijskih izvještaja Zeničko-dobojskog kantona za 2013. godinu.

Diskutovali su Premijer Zeničko-dobojskog kantona i Ministar Ministarstva unutrašnjih poslova.

Članovi Vlade su se usaglasili sa predloženim dnevnim redom, te je za sjednicu jednoglasno usvojen isti.

Prva tačka dnevnog reda

Vlada je jednoglasno usvojila Zapisnik sa 174. sjednice Vlade Zeničko-dobojskog kantona održane dana 25.07.2014. godine;

Druga tačka dnevnog reda

Vlada je jednoglasno usvojila Zapisnik sa 175. sjednice Vlade Zeničko-dobojskog kantona, održane dana 31.07.2014. godine;

Treća tačka dnevnog reda

Obrazloženje za ovu tačku dnevnog reda dao je Rifat Delić, ministar Ministarstva unutrašnjih poslova.

U diskusiji su učestvovali: Premijer Zeničko-dobojskog kantona, ministar Ministarstva za rad, socijalnu politiku i izbjeglice, ministrica Ministarstva zdravstva, ministar Ministarstva za prostorno uređenje, promet i komunikacije i zaštitu okoline, ministar Ministarstva za obrazovanje, nauku, kulturu i sport i ministar Ministarstva za boračka pitanja.

Vlada je jednoglasno uz predložene izmjene donijela Zaključak kojim se prihvata Informacija o stanju bezbjednosti na području Zeničko-dobojskog kantona za prvo polugodište 2014. godine. Informacija iz tačke I. ovog zaključka sastavni je dio ovog zaključka. Zaključak stupa na snagu danom donošenja.

Četvrta tačka dnevnog reda

Obrazloženje za ovu tačku dnevnog reda dao je Ilica Ćurić, ministar Ministarstva za rad, socijalnu politiku i izbjeglice.

Vlada je jednoglasno donijela Odluku o odobravanju sredstava za sufinansiranje projekta Općine Zenica „Stambeno zbrinjavanje porodica naselja Topčić Polje čiji su stambeni objekti oštećeni i zatrpani riječnim nanosima i poplavama“

Odobravaju se Općini Zenica sredstva u iznosu od 80.000,00 KM (slovima: osamdeset hiljada konvertibilnih maraka) na ime sufinansiranja projekta „Stambeno zbrinjavanje porodica naselja Topčić Polje čiji su stambeni objekti oštećeni i zatrpani riječnim nanosima i poplavama“.

Sredstva iz člana 1. ove odluke isplatit će se iz Budžeta Zeničko-dobojskog kantona („Službene novine Zeničko-dobojskog kantona” broj 15/13), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 207, pozicija Budžeta: „Ostali socijalni transferi“.

Odobrena sredstva uplatiti će se na račun Općine Zenica broj: 1340100000042994 otvoren kod IK banke Zenica, vrsta prihoda 733112, šifra Općine 103, sa naznakom: „Sufinansiranje projekta Stambeno zbrinjavanje porodica naselja Topčić Polje čiji su stambeni objekti oštećeni i zatrpani riječnim nanosima i poplavama“.

Zadužuju se Ministarstvo za rad, socijalnu politiku i izbjeglice, Ministarstvo finansija i Općina Zenica, da u skladu sa zakonom i podzakonskim aktima realizuju ovu odluku, svako u okviru svojih nadležnosti.

Zadužuje se Općina Zenica da Ministarstvu za rad, socijalnu politiku i izbjeglice dostavi narativni i finansijski izvještaj o namjenski utrošenim sredstvima po okončanju Projekta iz člana 1. ove odluke.

Odluka stupa na snagu danom donošenja i biti će objavljena u „Službenim novinama Zeničko-dobojskog kantona“.

Peta tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji su učestvovali: Premijer Zeničko-dobojskog kantona, ministrica Ministarstva zdravstva i sekretar Vlade.

Vlada je jednoglasno donijela Zaključak kojim se prihvata Plan transformacije JU "Dom porodica" Zenica 2014-2016. kao mjera provedbe dokumenta Politike zaštite djece bez roditeljskog staranja i porodica pod rizikom od razdvajanja u FBiH (2006-2016.) na području Zeničko-dobojskog kantona. Plan iz tačke I. ovog zaključka sastavni je dio ovog zaključka. Zaključak stupa na snagu danom donošenja.

Šesta tačka dnevnog reda

U diskusiji su učestvovali: pomoćnik ministra Ministarstva za poljoprivredu, šumarstvo i vodoprivredu, Premijer Zeničko-dobojskog kantona i ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim se razmatranje Prijedloga Informacije o stanju riječnih korita na području Zeničko-dobojskog kantona sa prijedlogom mjera zaštite priobalnog pojasa, Ministarstva za poljoprivredu, šumarstvo i vodoprivredu kao predlagača, odlaže. Zaključak stupa na snagu danom donošenja.

Sedma tačka dnevnog reda

Obrazloženje za ovu tačku dnevnog reda dao je Zuhdija Kovač, pomoćnik ministra Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se odobravaju sredstva u iznosu od 5.000,00 KM (slovima: pethiljada konvertibilnih maraka), za isplatu naknade štete za naglo uginuće životinja u 2014. godini.

Odobrena sredstva iz tačke I ovog Zaključka isplatiti će se iz Budžeta Zeničko-dobojskog kantona za 2014. godinu, sa razdjela 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „Subvencije-veterinarstvo“.

Sredstva iz tačke I ovog zaključka će biti isplaćena prema priloženom spisku vlasnika uginulih životinja od rednog broja 1. do 8. i isti je sastavni dio ovog Zaključka.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonom i podzakonskim aktima realizuju ovaj zaključak svako u okviru svojih nadležnosti. Zaključak stupa na snagu danom donošenja.

Osma tačka dnevnog reda

Obrazloženje za ovu tačku dnevnog reda dao je Zuhdija Kovač, pomoćnik ministra Ministarstva za poljoprivredu, šumarstvo i vodoprivredu.

U diskusiji su učestvovali: Premijer Zeničko-dobojskog kantona, ministrica Ministarstva zdravstva i sekretar Vlade.

Vlada je jednoglasno donijela Zaključak kojim se razmatranje Prijedloga Zaključka kojim se odobrava isplata nadoknade štete nastale zbog provođenja naređenih mjera ubijanja ovaca, goveda, konja i pčelinjih društava, Ministarstva za poljoprivredu, šumarstvo i vodoprivredu kao predlagača, odlaže. Zadužuje se Ministarstvo za poljoprivredu, šumarstvo i vodoprivredu da koriguje Prijedlog Zaključka u skladu sa diskusijama iznesenim na sjednici Vlade. Zaključak stupa na snagu danom donošenja.

Deveta tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Odluku o uvećanju sredstava u Budžetu Zeničko-dobojskog kantona za 2014. godinu

Odobrava se uvećanje sredstava u Budžetu Zeničko-dobojskog kantona za 2014. godinu („Službene novine Zeničko-dobojskog kantona“, broj 15/13) za budžetskog korisnika iz nadležnosti Ministarstva za obrazovanje, nauku, kulturu i sport – JU Prva osnovna škola Maglaj.

Uvećanje sredstava u Budžetu Zeničko-dobojskog kantona za 2014. godinu, vrši se na slijedeći način:

- a) na razdjelu 22, budžetska organizacija 02, potrošačka jedinica 0015 – JU Prva osnovna škola Maglaj, sredstva na poziciji 613700 – Izdaci za tekuće održavanje, Plan izdaci iz donacija 2014. godina, uvećavaju se za 1.369,08 KM;
- b) u Budžetu Zeničko-dobojskog kantona za 2014. godinu u dijelu A. PRIHODI u koloni Plan 2014. godina, sredstva na poziciji 733121 – Primljene donacije od stranih fizičkih lica, uvećavaju se za 1.369,08 KM.

Uplaćena donatorska sredstva od strane fizičkih lica iz Trsta - Italija, škola će utrošiti za nabavku neophodnog materijala za sanaciju učionica u Područnoj školi „Kosova“.

Škola je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Zadužuju se Ministarstvo za obrazovanje, nauku, kulturu i sport i Ministarstvo finansija da u skladu sa zakonom i podzakonskim aktima realizuju ovu odluku svako u okviru svojih nadležnosti.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

10. tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Sekretar Vlade je predložila da se tačka 10 i 11. dnevnog reda objedine u cjelovito Rješenje o razrješenju obzirom da su i imenovani jednim Rješenjem.

Vlada je jednoglasno uz predloženu izmjenu donijela Rješenje o razrješenju i konačnom imenovanju novih članova Školskog odbora iz reda nastavnika stručnih saradnika i osoblja škole Gimnazije „Musa Ćazim Ćatić“, Tešanj.

Razrješavaju se članstva u Školskom odboru Gimnazije „Musa Ćazim Ćatić“, Tešanj:

- Solo Amira-član, iz reda nastavnika stručnih saradnika i osoblja škole, na lični zahtjev i
- Hadžismajlović Aida-član, iz reda nastavnika stručnih saradnika i osoblja škole, na lični zahtjev.

Imenuju se članovi Školskog odbora Gimnazije „Musa Ćazim Ćatić“, Tešanj, do isteka mandata:

- Maglić Sead-član, iz reda nastavnika stručnih saradnika i osoblja škole i
- Mulahusejnović Nedžad-član, iz reda nastavnika stručnih saradnika i osoblja škole.

Članovi Školskog odbora iz tačke II ovog rješenja imenuju se do isteka mandata Školskog odbora Gimnazije „Musa Ćazim Ćatić“, Tešanj.

Rješenje stupa na snagu danom donošenja i biti će objavljeno u „Službenim novinama Zeničko-dobojskog kantona“.

11. tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji su učestvovali: ministar Ministarstva za prostorno uređenje, promet i komunikacije i zaštitu okoline i Premijer Zeničko-dobojskog kantona.

Vlada je jednoglasno donijela Zaključak o usvajanju Programa utroška sredstava iz Budžeta Zeničko-dobojskog kantona za 2014. godinu Ministarstva za obrazovanje, nauku, kulturu i sport, razdjel 22, budžetska organizacija 01, potrošačka jedinica 0001, ekonomski kod 821 600, pozicija «Rekonstrukcija i investiciono održavanje»

Usvaja se Program utroška sredstava iz Budžeta Zeničko-dobojskog kantona za 2014. godinu Ministarstva za obrazovanje, nauku, kulturu i sport, razdjel 22, budžetska organizacija 01, potrošačka jedinica 0001, ekonomskog koda 821600, pozicije «Rekonstrukcija i investiciono

održavanje», u iznosu od 950.525,00 KM (slovima: devetsto pedeset hiljada petsto dvadeset pet konvertibilnih maraka), i čini sastavni dio ovog zaključka.

Sredstva planirana Budžetom Kantona za namjene predviđene ovim Zaključkom, realizovaće se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

Zadužuju se Ministarstvo za obrazovanje, nauku, kulturu i sport i Ministarstvo finansija, da realizuju ovaj Zaključak u skladu sa zakonom i podzakonskim aktima, svako u okviru svojih nadležnosti.

Stupanjem na snagu ovog zaključka prestaje da važi Zaključak broj: 02-14-8277/14 od 17.04.2014. o usvajanju Programa utroška sredstava iz Budžeta Zeničko-dobojskog kantona za 2014. godinu Ministarstva za obrazovanje, nauku, kulturu i sport, razdjel 22, budžetska organizacija 01, potrošačka jedinica 0001, ekonomski kod 821 600, pozicija «Rekonstrukcija i investiciono održavanje» i Zaključak broj: 02-14-13728/14 od 03.07.2014. godine, o izmjeni i dopuni Zaključka o usvajanju Programa utroška sredstava iz Budžeta Zeničko-dobojskog kantona za 2014. godinu Ministarstva za obrazovanje, nauku, kulturu i sport, razdjel 22, budžetska organizacija 01, potrošačka jedinica 0001, ekonomski kod 821 600, pozicija «Rekonstrukcija i investiciono održavanje».

Zadužuje se Ministarstvo za obrazovanje, nauku, kulturu i sport da o utrošenim sredstvima po ovom programu polugodišnje izvještava Vladu Kantona. Zaključak stupa na snagu danom donošenja.

12. tačka dnevnog reda

Obrazloženje za ovu tačku dnevnog reda dao je Munib Husejnagić, Premijer Zeničko-dobojskog kantona.

Vlada je jednoglasno donijela Zaključak kojim se odobravaju novčana sredstva Kulturno umjetničkom društvu „Željezara” Zenica, u iznosu od 2.000,00 KM (slovima: dvijehiljadekonvertibilnih maraka) na ime finansijske pomoći za odlazak na XVIII Međunarodnu smotru duvačkih orkestara i grupa mažoretkinja u Dunajvaroš (Mađarska).

Odobrena sredstva iz tačke I. ovog zaključka isplatit će se iz Budžeta Zeničko-dobojskog kantona za 2014. godinu, sa razdjela 11, Ured premijera, budžetska organizacija 01, potrošačka jedinica 0001, ekonomski kod 614300, pozicija “Transfer neprofitnim organizacijama”.

Sredstva uplatiti na žiro-račun Kulturno umjetničkog društva „Željezara” Zenica, broj: 134 010 000000 5746, otvorenog kod Investiciono-komercijalne banke dd Zenica.

Zadužuju se Ured premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

Obavezuje se korisnik sredstava da Uredu premijera Zeničko-dobojskog podnese izvještaj o utrošku sredstava u roku od 30 dana po utrošku sredstava. Zaključak stupa na snagu danom donošenja.

13. tačka dnevnog reda

Obrazloženje za ovu tačku dnevnog reda dao je Munib Husejnagić, Premijer Zeničko-dobojskog kantona.

Vlada je jednoglasno donijela Zaključak kojim se odobravaju novčana sredstva Samostalnom sindikatu osnovnog obrazovanja i odgoja Federacije Bosne i Hercegovine Sarajevo, u iznosu od 2.000,00 KM (slovima: dvijehiljade konvertibilnih maraka) na ime finansijske pomoći za odlazak djece i pratilaca iz poplavljenih područja u Poljsku.

Odobrena sredstva iz tačke I. ovog zaključka isplatit će se iz Budžeta Zeničko-dobojskog kantona za 2014. godinu, sa razdjela 11, Ured premijera, budžetska organizacija 01, potrošačka jedinica 0001, ekonomski kod 614300, pozicija “Transfer neprofitnim organizacijama”.

Sredstva uplatiti na žiro-račun Samostalnog sindikatu osnovnog obrazovanja i odgoja Federacije Bosne i Hercegovine iz Sarajeva, broj: 338 900 220 618 3142, otvorenog kod UniCredit bank dd Mostar.

Zadužuju se Ured premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

Obavezuje se korisnik sredstava da Uredu premijera Zeničko-dobojskog podnese izvještaj o utrošku sredstava u roku od 30 dana po utrošku sredstava. Zaključak stupa na snagu danom donošenja.

14. tačka dnevnog reda

Obrazloženje za ovu tačku dnevnog reda dala je Berjana Ačkar, sekretar Vlade.

U diskusiji su učestvovali: Premijer Zeničko-dobojskog kantona i pomoćnik ministrice Ministarstva finansija.

Vlada je jednoglasno donijela Uredbu o reprezentaciji i poklonima.

DIO I-OPĆE ODREDBE

Član 1.

(Predmet Uredbe)

Ovom uredbom uređuje se visina sredstava reprezentacije, korištenje sredstava reprezentacije, procedura i pravila primanja i davanja poklona i vođenje evidencije o primljenim poklonima u kantonalnim organima uprave, upravnim organizacijama, uredima i službama (u daljnjem tekstu: kantonalni organi uprave), te kod svih ostalih budžetskih korisnika koji su kao takvi definisani budžetom Kantona za svaku fiskalnu godinu.

Član 2.

(Pojam reprezentacije i poklona)

U smislu ove uredbe sljedeći izrazi imaju značenje:

- a) Reprezentacija je izdatak koji se javlja u toku redovnog poslovanja kantonalnih organa uprave, sa ciljem ostvarenja i održavanja poslovnih odnosa, te obilježavanja godišnjica i drugih značajnih događaja,
- b) Sredstva za reprezentaciju su sredstva za troškove: jela, pića i osvježenja koja se služe tokom radnih sastanaka, karte za sportske i kulturne događaje, troškovi za kupovinu cvijeća i vijenaca i druge robe, usluge smještaja u smještajnim objektima i druge usluge,
- c) Eksterna reprezentacija podrazumijeva korištenje ugostiteljskih usluga u zemlji i inostranstvu od strane kantonalnih organa uprave van službenih prostorija organa ili u službenim prostorijama organa kada se radi o organizaciji svečanih prijema, poslovnih sastanaka i drugih događaja,
- d) Interna reprezentacija podrazumijeva korištenje sredstava za reprezentaciju za ugostiteljske usluge koje pruža Služba za zajedničke poslove za tople napitke i bezalkoholna pića.
- e) Poklonom se smatra lična korist u vezi vršenja javne funkcije, a podrazumijeva stvari, prava, usluge bez naknade, te neku drugu osobnu korist datu nosiocu izvršne funkcije ili savjetniku, kao i svaku isplatu, djelovanje, uslugu ili predmet od vrijednosti učinjene izravno primaocu, bez naknade ili očekivane naknade.
- f) Institucije i organizacije su državne institucije i organizacije Bosne i Hercegovine, entiteta, drugih kantona, općine i Brčko Distrikta Bosne i Hercegovine, državne institucije drugih država, te međunarodne organizacije i institucije.

DIO II-VISINA SREDSTAVA REPREZENTACIJE I POKLONA

Član 3.

(Određivanje visine reprezentacije)

(1) Visinu reprezentacije za kantonalna ministarstva i druga tijela kantonalne uprave utvrđuje Vlada Kantona posebnom odlukom, u skladu sa budžetom i raspoloživim budžetskim sredstvima, posebno za svaku budžetsku godinu.

(2) Visinu reprezentacije za budžetske korisnike iz oblasti osnovnog, srednjeg i visokog obrazovanja određuje ministar obrazovanja, nauke, kulture i sporta posebnom odlukom, u skladu sa usvojenim budžetom i raspoloživim budžetskim sredstvima, posebno za svaku budžetsku godinu.

Član 4.

(Najviši iznos sredstava na godišnjem nivou)

Rashodi na ime reprezentacije i poklona mogu se izvršiti najviše do ukupnog iznosa koji je utvrđen odlukom iz člana 3. ove odluke za godinu u kojoj se koristi.

DIO III-KORIŠTENJE SREDSTAVA REPREZENTACIJE

Član 5.

(Vrsta reprezentacija)

(1) Sredstva reprezentacije utvrđuju se kao:

- (a) eksterna reprezentacija za institucije i organizacije iz člana 2. tačka f) i njihove predstavnike i istaknute pojedince,
- (b) interna reprezentacija za rukovodioce kantonalnih organa uprave i osobe koje on ovlasti.

Član 6.

(Korištenje sredstava reprezentacije)

(1) Rukovodilac kantonalnog organa uprave koristi sredstva reprezentacije razumno i primjereno, vodeći računa o raspoloživim sredstvima za reprezentaciju.

(2) U slučaju da osobe ovlaštene od strane rukovodioca kantonalnog organa uprave za korištenje sredstava reprezentacije prekorače dozvoljeno ograničenje, dužne su dostaviti pismeni izvještaj o prekoračenju, na osnovu kojeg će rukovodilac kantonalnog organa uprave procijeniti da li je prekoračenje opravdano ili je lice dužno nadoknaditi prekoračeni iznos sredstava.

Eksterna reprezentacija

Član 7.

(Korištenje sredstava eksterne reprezentacije)

(1) Korištenje sredstava eksterne reprezentacije mora biti razumno i primjereno, vodeći računa o uslovima i prilikama, te o statusu lica, a može se koristiti u inostranstvu, u samom sjedištu kantonalnog organa uprave i na teritoriji Bosne i Hercegovine.

(2) Korištenje sredstava reprezentacije vrši se putem narudžbenice, koju odobrava rukovoditelj kantonalnog organa uprave. Svaka narudžbenica mora da sadrži naziv davaoca usluge i vrstu i količinu tražene usluge.

(3) Na korištenje sredstava reprezentacije u inostranstvu ima pravo rukovodilac kantonalnog organa uprave i osoba koju on ovlasti.

(4) Pravdanje korištenja sredstava reprezentacije u inostranstvu vrši se bez narudžbenice uz podnošenje pismenog izvještaja uz koji se prilaže odgovarajući računi potpisani od strane korisnika reprezentacije.

Član 8.

(Izvještaj o korištenju sredstava)

(1) Pismeni izvještaj iz člana 7. stav 3. ove Uredbe sadrži datum, mjesto i svrhu korištenja sredstava reprezentacije.

(2) Računi davaoca usluga moraju biti originalni i naknadno odobreni potpisom rukovodioca kantonalnog organa uprave.

(3) U cilju namjenskog trošenja sredstava reprezentacije svaki račun mora u prilogu da sadrži kratak pismeni izvještaj o svrsi korištenja sredstava reprezentacije.

Interna reprezentacija

Član 9.

(Korištenje sredstava interne reprezentacije)

(1) Interna reprezentacija odnosi se na korištenje sredstava reprezentacije za tople napitke i bezalkoholna pića prilikom obavljanja redovnih poslova u kantonalnim organima uprave.

(2) Interna reprezentacija odnosi se i na korištenje sredstava reprezentacije prilikom održavanja kolegija i sjednica Skupštine i Vlade Zeničko-dobojskog kantona, kao i radnih tijela Skupštine.

Član 10.

(Lica sa pravom korištenja sredstava za reprezentaciju)

(1) Pravo na reprezentaciju iz člana 9. stav 1. imaju rukovodilac kantonalnog organa uprave, kao i osobe koje on ovlasti.

(2) Reprezentaciju iz člana 9. stav 2. odobrava predsjedavajući Skupštine, Premijer Kantona ili osoba koju on ovlasti.

DIO IV-PROCEDURE I PRAVILA PRIMANJA I DAVANJA POKLONA

Član 11.

(Primanje poklona)

(1) Kod primanja poklona mora biti jasno utvrđeno da li su oni namijenjeni kantonalnim organima uprave, odnosno nosiocu izvršne funkcije ili njegovom savjetniku.

(2) Kantonalni organ uprave će primiti poklone, neovisno o njihovoj vrijednosti, kada je to u skladu s propisima, sa poslovnim običajima i kada ne postoje neki politički ili ekonomski razlozi zbog kojih ih ne bi trebalo primiti.

(3) Rukovodilac kantonalnog organa uprave ne smije zadržati poklon čija tržišna vrijednost prelazi 100,00 KM, te je isti dužan prijaviti i predati kantonalnom organu uprave u kojem vrši funkciju.

Član 12.

(Primjena Uredbe)

(1) Državnom službeniku i namješteniku nije dozvoljeno primanje poklona od trećih osoba, osim u korist izabranog dužnosnika, nosioca izvršne funkcije i savjetnika, s time da isti moraju znati za primanje poklona.

(2) Takvo lice dužno je pridržavati se odredaba o primanju poklona iz ove uredbe i Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“, broj: 70/08).

Član 13.

(Dodjeljivanje poklona)

(1) Kantonalni organ uprave može dodjeljivati poklone institucijama i organizacijama, kao i predstavnicima institucija i organizacija iz člana 2. tačka f. ove Uredbe, prilikom protokolarnih posjeta, u povodu jubileja tih institucija i organizacija, njihovog posebnog doprinosa u razvoju pojedinih oblasti i projekata, te po isteku mandata predstavnicima međunarodnih institucija i organizacija, kao i istaknutim pojedincima, koji su svojim radom i rezultatima rada doprinosili afirmaciji Bosne i Hercegovine, odnosno Kantona.

(2) O davanju poklona u navedenim situacijama, odlučuje rukovodilac kantonalnog organa uprave.

Član 14.

(Vrijednost poklona)

Pokloni za predstavnike institucija i organizacija iz člana 2. tačka f) ove uredbe utvrđuje se u iznosu do 500,00 KM.

DIO V-EVIDENCIJA PRIMLJENIH POKLONA

Član 15.

(Vođenje evidencije primljenih poklona i utvrđivanje vrijednosti)

(1) Kantonalni organi uprave dužni su voditi evidenciju primljenih poklona čija tržišna vrijednost prelazi iznos iz člana 11. stav 3. ove uredbe.

(2) Evidencija primljenih poklona sastoji se od sljedećih rubrika:

- a) redni broj,
- b) podaci o poklonodavcu, potpis poklonoprimca ili lica ovlaštenog za čuvanje poklona,
- c) vrsta, količina i vrijednost poklona,
- d) datum i mjesto prijema poklona,
- e) mjesto gdje se čuva primljeni poklon.

(3) Vrijednost poklona u smislu ovog člana utvrđuje kantonalni organ uprave na osnovu računa, provjerom vrijednosti istog ili sličnog poklona na tržištu ili izjavom poklonodavca koja može biti usmena ili pismena, ali ne i posebno zahtjevana.

(4) Primljeni prirodni pokloni će se knjižiti na isti način kao što se knjiže primljene donacije.

(5) Operativni rad oko primanja, zavođenja, procesuiranja i čuvanja svih narudžbenica, računa i druge prateće dokumentacije u vezi sa reprezentacijom i poklonima, obavljat će računovodstvo kantonalnog organa uprave.

DIO VI-ZAVRŠNE ODREDBE

Član 16.

(Usklađivanje internih akata sa Uredbom)

(1) Kantonalni organi uprave i ostali budžetski korisnici dužni su uskladiti svoje pravilnike o reprezentaciji i poklonima sa ovom uredbom u roku 15 dana od dana stupanja na snagu ove uredbe.

(2) Kantonalni organi uprave i ostali budžetski korisnici koji do dana stupanja na snagu ove uredbe nisu donijeli pravilnike o reprezentaciji i poklonima, dužni su iste donijeti u roku 30 dana od dana stupanja na snagu ove uredbe.

Član 17.

(Stupanje na snagu)

Ova uredba stupa na snagu narednog dana od dana objavljivanja u „Službenim novinama Zeničko-dobojskog kantona“.

15. tačka dnevnog reda

Dostavom materijala pod ovom tačkom dnevnog reda članovi Vlade su upoznati sa istim.

Diskutovali su: Premijer Zeničko-dobojskog kantona, ministar Ministarstva za boračka pitanja, ministar Ministarstva unutrašnjih poslova, sekretar Vlade i pomoćnik Ministarice Ministarstva finansija.

Premijer je zaključio sjednicu u 11¹¹ sati.

SEKRETAR VLADE

Berjana Ačkar

PREMIJER

Munib Husejnagić, dipl.ing.maš.

ZAPISNIČAR

Alma Hrnjić